

### Käisime külän

Vanaemä Kadri ,kedä me mammis kutseme ,höigas Tütt lääme täämbe Maali poole,kas tahat kah tulla?Ikki taas ,kas me lääme kohe prilla ve,õkva prilla jah.Tule ma mõse sul suu puhtas,kus sa mudu minna saat,tõise hakkave naarma sinnu.Mammi võts peoge suupesukausist vett ja tõmmas mul sis üle näö,pääle seda pühks põllesabage näo kuivas.Saimegi sis mineme hakate, vanaesa, papi jäi kodu ja lubas varsti karja minnä. Lätsime sis mammige läbi suure mõtsa Maalitätä kodu poole.,tiiveeren kasve kukesiini ja suuri puravikke,mammi kõnel , et ku peräst kodu tuleme sis korgame na ärä.Äkitsi juusse üts jänes üle tii,ju tal oma latsi manu olli vaja pakilt minnä ,arvas mammi,ma hoidsi iki mammil kõvaste käest kinni,mine tää kes tu viil või mõtsast vällä karate. Küll olli mõtsa all ilusit suuri mustikit,me seime neid iki peris himuge, häste maguse ja hää ollive. Lätsime sis mäest alla ja läbi lepiku, hakaski tätä Maali maja paistme, tätä olli üts ütlemede hää sõber mul. Ega kõrd olli tal hää miil ku minnu nägi, miul olli kah hää miil.

Maalitätä olli läve ehen ja süüt oma hanisid ku me sinnä saime,mia iks pelläsi kah noid hanisid, hoidse jälle mammil kõvaste käest ja tükse mammi põlle alla pakku. Esähani aie küll säändest kurja häält vällä et hirmus, susisi ja vusisi hirmsade. Täta Maali aie hani kaugepele ja kutse meid mammige tuppa. Ütel et vaja külälistel kuuki kah tetä, tätä tõi suure savikausi laua pääle ja lei sinnä terve peotäue mune katski, sis kallas haput piimä ja panne jahu kah viil. Sis tei tätä tule liidi ala ja tõi suure savipotige rasva sahvrest,küll olli hääd aisu kui nu koogi raadseve.Ku koogi valmi saive tõi tätä viil keldrest suure poti murakumuusi ja kaju mant viil piimä kah.Sis me hakasime süümä,küll olli si kik hää. Mammi ja tätä aive viil pikält juttu,miul tulli peris uni joba pääle.Olligi koduminek kähen,tii veerest viil korjasime nu seene kah ärä,kui kodu saime ollive emä ja esä kah kodu tüült tullu,küll olli miul sis hää miil.Esä võtt mu sülle ja tõst kõrges üles,emä toimet juba liidi man.Varsti olligi õdag kähen,papi tulli karjage kodu ,sis istseme kik laua taade ja emä tõi limbisupi laua pääleVõituus ja leväpäts panti kah laua pääleEmä tegis kigele suure käänu võileibä ja nakastime sis kik si pere süümä.